

方輿考證一百卷

女學教範（四卷）

一

方輿考證卷八十五

廣東四

瓊州府

建置沿革○禹貢揚州西南徼外地

賈捐之云珠崖非禹貢所及

春秋戰國為

揚越地秦末屬南越漢元封元年開置珠崖儋耳二郡初元三

年省珠崖郡入合浦隋大業中復置珠崖郡唐武德五年置崖州

晉平吳省入合浦

貞觀元年置都督府五年分置瓊州天寶初改崖州為珠崖郡

瓊州曰瓊山郡乾元初復曰崖州瓊州俱屬嶺南道貞元五年

移都督府治瓊州五代屬南漢宋開寶五年省崖州熙寧四年

移瓊州治崖州故地仍曰瓊州瓊山郡屬廣南西路政和元年

升為靖海軍節度元為瓊州屬海北海南道天歷二年改為乾

寧軍民安撫司明洪武初為瓊州十四年升為府屬廣東布政

使司 本朝因之

形勢○四面距海爲西南屏障○漢書賈捐之傳海中洲居廣袤千里○水經注周迴二千里徑度八百里○宋瓊管志四州各占島之一隅外環大海中盤黎峒○籌海圖編瓊爲廉之外戶五指腹心盡爲黎據郡邑封疆無不濱海○郡縣利病書府城西去七十里曰澄邁石礮深廣可泊船約五十里至馬婁三十里至石牌又百餘里至臨高縣博頓港有兵船防於此百餘里至儋州洋浦三牌石海口入新英港港口有沙線不識水道則壞舟泊船雖穩便聞警出船不及故海上多故須輪哨船時出海口瞭望亦瓊郡之腰絡不可疎備者也南去約八十里至海頭港內岸石壁難以進舟一百里至烏泥港逼昌化城又三十里至英潮灣俱賊船出沒之處○疆域在布政司治西南一千

七百里東西距九百十里南北距九百七十五里東至萬州海

岸四百九十里西至儋州海岸四百八十里南至崖州海岸九

百六十五里北至海岸十里東南至陵水縣海岸五百四十里

西南至感恩縣海岸八百一十里東北至文昌縣海岸一百六

十里西北至臨高縣海岸二百八十里領州三縣十

瓊山縣

漢初珠崖郡地後置朱盧縣屬合浦郡後漢曰朱崖縣三國吳復曰朱盧縣晉宋齊因之梁陳時省隋初為武

德縣屬朱崖郡大業八年改置舍城縣為朱崖郡治唐武德五

年於縣置崖州五代因之宋開寶五年州廢屬瓊州熙寧四年

省舍城移瓊州治此徙瓊山縣為州治元為乾寧軍治明為瓊

州府治○附郭東至文昌縣界一百里西至澄邁縣界五十里

南至定安縣界八十里北至大海十里

澄邁縣漢珠崖郡地隋分置澄邁縣屬珠崖郡唐屬崖州宋開寶五年改屬

瓊州元屬乾寧軍明屬瓊州府○九域志瓊州澄邁縣在州西五十五里○在府西六十里東至瓊山縣界十里西至臨高縣界六十里南至黎峒一百二十里北至大海岸三里

方輿考登卷八十五 廣東四

二

里西至黎界四十里南至黎峒界二里 **文昌縣** 漢珠崖郡地唐武

百三十八里北至瓊山縣界二里 縣屬崖州貞觀元年改曰文昌宋開寶五年改屬瓊州元屬乾

寧軍明屬瓊州府○在府東南一百六十里東至海岸六十里

西至瓊山縣界六十里南至會同縣 **會同縣** 漢珠崖郡地唐宋

界六十里北至海岸一百五十里 元三十年分置會同縣屬乾寧軍明屬瓊州府○在府東南二

百九十里東至海岸三十里西至定安縣界二十五里南至樂

會縣界二十五里北 **樂會縣** 漢珠崖郡地唐初文昌縣地顯慶

至定安縣界五十里 之宋大觀三年割屬萬安軍紹興初還屬元屬乾寧軍明屬瓊

州府○在府東南三百三十里東至海岸一十五里西至黎界

二百四十五里南至萬州界二里 **臨高縣** 漢珠崖郡儋耳二郡地唐

十五里北至會同界一十五里 崖州貞觀五年改屬瓊州乾封後仍屬崖州開元元年改曰臨

高貞元七年還屬瓊州五代及宋因之元明同前○在府西南

一百八十里東至澄邁縣界六十里西至儋州界 **儋州** 漢初南

五十里南至黎界九十里北至海岸三十二里 封元年置儋耳郡始元五年併入珠崖郡梁置崖州隋始置義

倫縣大業初於縣置珠崖郡六年改儋耳郡唐武德五年改曰

儋州天寶初改曰昌化郡乾元初復曰儋州屬嶺南道五代因

之宋太平興國元年改縣曰宜倫縣隸瓊州十四年復為軍屬

廣南西路紹興五年廢軍以宜倫縣隸瓊州十四年復為軍屬 平二年改曰南寧軍元因之明洪武二年復改為儋州正統五

年以州治宜倫縣省入屬瓊州府○在府西南三百里東至黎
界一百里西至海岸三十五里南至黎界一百里北至海岸四
十里**昌化縣**漢儋耳郡地隋分置昌化縣屬珠崖郡唐屬儋州五
里初屬南寧軍元因之宋熙寧六年省入宜倫元豐三年復置端平
初屬南寧軍元因之明屬瓊州府○在府西南五百有五里東
至黎峒一百里西至海岸十里南至感恩縣界四十五里北至
儋州界九里**萬州**漢珠崖郡地唐初為文昌縣地貞觀五年析置
十五里**萬安州**開元九年徙州治陵水縣天寶元年改曰萬安郡
縣置萬安州開元九年徙州治陵水縣天寶元年改曰萬安郡
至德二載改郡縣俱曰萬全乾元元年復為萬安州仍改縣曰
萬安貞元元年移州還治萬安縣屬嶺南道五代南漢改縣曰
萬寧宋初曰萬安州萬安郡熙寧七年廢為萬安軍屬廣南西
路紹興六年廢軍以縣屬瓊州十三年復置萬安軍仍改縣曰
萬安元亦曰萬安軍屬海北海南道明初改曰萬州以州治萬
安縣省入屬瓊州府○在府東南四百五十五里東至海岸二十
五里西至黎界一百八十里南至海岸二十五里北至樂會縣
界九里**陵水縣**漢珠崖郡地隋大業六年分置陵水縣屬臨振
州來治貞元元年移州治還萬安以縣屬焉五代因之宋熙寧
七年省為鎮入萬寧元豐三年復置屬萬安軍紹興六年改屬
瓊州十三年還屬萬安軍元因之明屬瓊州府○在府東南五
百七十里東至海岸三十里西至黎峒六十里南至崖州界六
十里北至萬崖州漢珠崖郡地隋開皇初置臨振縣大業六年
州界九十里崖州置臨振郡又分置寧遠縣唐武德五年於縣

置振州天寶初改曰延德郡乾元初復曰振州屬嶺南道五代
 因之宋開寶五年改曰崖州熙寧六年省寧遠縣又廢州為朱
 崖軍屬廣南西路政和七年改曰吉陽軍紹興六年又廢軍為
 寧遠縣屬瓊州十三年復置軍元亦曰吉陽軍屬海北海南道
 明洪武初復曰崖州正統五年以州治寧遠縣省入屬瓊州府
 ○在府南中隔黎峒由東路至府八百七十里由西路至府九
 百六十五里東至海岸一百六十里西至海岸
 九十里南至海岸二十里北至海岸一百里
 置感恩縣屬珠崖郡唐屬儋州五代因之宋熙寧二年省入宜
 倫元豐四年復置南寧軍元因之明初屬儋州正統五
 年改隸崖州屬瓊州府○在府西南六百四十五里東至崖州
 界八十五里西至海岸十里南至海岸三十里北至昌化縣界
 六十里

山川 ○瓊山

在府南○寰宇記瓊州瓊山郡瓊山郡內之山○九域志
 瓊山縣有瓊山廣記同○輿地紀勝圖經云縣有瓊

山白玉二村土石皆白似玉而潤種穀其上特美

所產荔枝其味尤佳○通志山在縣南六十里

本名黑山○方輿紀要在縣南十五里自北渡海者至中流即

見此山喬林陰翳俗呼聖山按山下有祠甚著靈顯故名明統

志所祀之神有六曰靈山曰香山曰瓊崖曰班師

曰通濟曰定邊洪武中命有司歲以三月九日祭

○隋書地理志珠崖郡武德有扶山○潛確類書山在府城東

南左有五嶺曰從衍忘洞光螺居碌居林遞相擁護故以扶名

道書第二十四福地山下有巨潭水流三十六曲以達於江○

通志山在府東南五十里昔有陶公開之又名陶公山西有蒼

巡洞斜入二十那射山在府東南一名龍堆山○輿地紀勝山

餘丈內有二井那射山在瓊山之豐義鄉其人以射獵為生○

方輿紀要山在府東南八十里山之陽為銅銚溪山有巨石形

如銅銚水注其中有聲如雷○按明統志謂山在縣東南八十

里龍堆山在縣東南一百里册說謂龍堆山在縣東蒼屹山在

南八十里那射都故又名那射山分為二山者誤

山縣南○方輿紀要在城南二里石峰屹立水流其下後有仙

人洞又有雁塔峰平岡特立如卓筆然按仙人洞在山之陰亦

名紫雲露山在瓊山縣西南○輿地紀勝在縣西南六十里中

霞洞攬有窾可穿俗名橄西石山在瓊山縣西○名勝志在縣

攬珠值歲旱禱雨多應西石山在瓊山縣西○名勝志在縣

容數百人其上有井與海通○方輿紀要一名馬鞍山有洞出

泉甚清冽其西南一里有遞蓮洞自石門入徑竇委曲大小凡

五洞甚深杳容數千人上有一門透露天日旁一洞深黑可三

十里許昔有人避難於此府東南七十里有東石山按東石

山一名美雨嶺四畔平原邁山在澄邁縣東○寰宇記隋置澄

一峰突立舊置巡司於此邁山邁縣以界內邁山為名○九域

志澄邁縣有澄邁山廣記通考並同○名勝志山在縣東十五

里特起一峰曰樹株又名獨珠山○通志邁山在縣東十里縣

方輿紀要卷八十五廣東四

四

陰平原中連峙亦名三峰嶺○縣志下有泉五**五指山**在定安
 穴昔人琢石為五龍首水從龍口噴出曰龍泉
 四百里一名黎母山黎人所居○范成大桂海虞衡志山極高
 常在雲霧中黎人自辨識之山水分流四郡熟黎所居已阻且
 深生黎之巢外人不復有迹黎母之巔生黎亦不能至○輿地
 紀勝島上四州以黎母山為主或謂黎女星現化下此山因名
 黎黎訛為黎母○宋史蠻夷傳黎峒其地有黎母山黎人居焉
 俗呼山嶺曰黎居其間者號曰黎人儋崖萬安皆與黎為境服
 屬州縣者為熟黎其居山峒無征徭者為生黎○明史地理志
 定安南有五指山亦曰黎母山黎人環居山下外為熟黎內為
 生黎又沈希儀傳瓊州五指山熟黎素畏法知州邵濬雪取之
 其酋那燕遂結崖州感恩昌化諸黎為亂總督歐陽必進議並
 萬州陵水討之分兵五道沈希儀曰萬州陵水未有黨惡之實
 奈何並誅益樹敵必進從之希儀乃偕參將武鸞俞大猷等直
 入五指山下斬那燕及其黨五千四百有奇又土司傳嘉靖二
 十八年給事鄭廷鵠言瓊州諸黎盤居山峒而州縣反環其外
 其地彼高而我下其土彼膏腴而我鹹鹵其勢彼聚而我散故
 自開郡以來千八百餘年無歲不遭黎害然無如今日甚矣元至
 元辛卯曾空其穴勒石五指出雖建屯田立定安會同二縣惜
 經略未盡所得旋失嘉靖庚子又嘗攻毀巢岡議者謂德霞地
 勢平衍擬建城立邑中道而廢旋為賊資今條陳三事一崖黎
 三面郡縣惟東南連郎温脚二峒岐賊當萬州陵水之衝崖賊
 被攻必借二峒東江以分我兵勢計須先分奇兵攻二洞而以
 大兵徑搗賊巢莫能相顧則殲滅可期一隋唐郡縣輿圖可考

今多陷入賊中蕩平後悉宜恢復並以德霞十家羅活等膏腴之地盡歸州縣設立屯田仍由羅和磨斬開路以達定安由德霞沿溪水以達昌化道路四達井邑相望非徒懼奸銷萌而王路益開拓矣○名勝志山五峰屹立如人指故名一云雷攝一蛇卵在山中生一女與交趾蠻野合子孫眾多是為黎人之祖故曰黎母山○方輿紀要明宏治中議者謂五指山居州邑之中為吾內患宜於軍威削平之際開十字大路大約以道里計之自府治至崖州千里而近自儋州至萬州六百里而遙此四至徑一之大凡也自府治至沙灣三百里而遙自崖州至羅和三百里而近俱為坦途矣度其中未開通者不過二百里若大集軍民通力合作相其窳窳易其險阻假以數月而瓊崖之路可由黎峒中行矣儋萬視此其工又殺四路交達度中建城置堡立屯貯食以攻則取以守則固矣又云五指山下有陽春峒為郡境之中其南有滿池香根竹茂竹擁諸峒西南有萬家羅和磨岸磨魁等村東有思阿等峒東南有縱橫斬兌等峒北去定安東南出萬州陵水西北至儋州俱六日程惟西至昌化中阻大溪須浮筏乃濟初入自思河僅六日前半路頗崎嶇愈入愈衍其地皆可耕作也○嶺南雜記康熙年間總兵吳啓爵征服生黎內列十一大砦據其險要黎人畏威懼伏題設一州十縣使生黎皆隸版籍格於總督石公之議而止○按通志必分五指黎母為二

銅鼓山

在文昌縣東一作銅鼓嶺俗傳民於此得銅鼓

山殊屬不必

乃武侯征蠻之鉦因名○册說銅鼓山在縣東六十里

盤亘海岸半入海中上有龍神春秋祀之出水晶石燕

在文昌縣東○輿地紀勝山在文昌其鄉之民如猿猴然獠婦

紡績吉貝布縷細密瑩白謂之布籠○明統志山在縣東一百

里○潛確類書異物志云吉貝花熟時狀如鵝毳中有實如珠

珣細過絲綿將用之以車輪絞出其核但紡不織任意以扣相

牽不絕又浮山通志在縣東一百里屹紫貝山寰宇記文昌縣

立海中分潮水東西流俗謂之分洲洋紫貝山寰宇記文昌縣

紫貝山元屬紫貝縣○文獻通考文昌有紫貝山○明史地理

志文昌南有紫貝山○册說山在縣南一里前有紫貝泉其陰

有釣鰲磯又禁山一統志在縣西南一百二玉陽山在文昌縣

十里山上有神壇草木四時青茂民禁不取記文昌縣有玉陽山○輿地紀勝山在縣北二十里○方輿紀

要玉陽山在縣北十里一名青山嶺林木青翠縣之主山也其
西曰蒼錫山紀勝山焚樓山在文昌縣西北○輿地紀勝平黎
在縣西北二十里焚樓山記云漢武發兵到雷州海岸焚舟而回今號
船渡兵過海黎人不出李將軍乃於瓊州海岸焚舟而回今號
為焚樓○通志在縣西北一百三十里近大海周三里漢樓船
將軍揚僕征黎至七星山在文昌縣北○輿地紀勝山界海濱
此焚船登岸因名七星山狀如七星聯珠○明史地理志文昌
北有七星山○方輿紀要在縣北一百五十里大海中有七峰
相連一名七洲洋山林木茂密下出淡泉航海者必取汲於此
山之東又有七星泉雖旱不涸○通志山高五百丈明天啓時
建塔其上又抱虎山通志在縣北一百二十里高百餘丈山石
狀如虎左右環抱北為虎村山右叨甲山在會同縣東○一統
為東徠山向多黎人盤踞其中叨甲山志在縣東二十里下

有清泉水流成塘又鍾祿山一名小祿山在
縣西北三十里山下有澗水分流兩派灌田

字記樂會有陰陽山○通志在縣東北一里周回七里寰宇記
以為在縣境內時未遷縣治也○縣志山在萬泉河南飲馬河

北兩水環抱平地突起山形奇偶相生
土石相半因名按二河係一水分流

方輿紀要在縣東南十五里峻竦插空俯視羣山皆如培塿海
郡望此以為標識又香爐山一統志在縣南三里一名南山秀

竦特異縣治
學宮皆向之

白石山在樂會縣西○明史地理志樂會西有白
嶺綿亘而來周環數十里高干仞其

頂皆有巨石風簾水洞奇勝百出
峒皆以番豹山為險路止容一人又那益山方輿紀要在縣東

南三十里脈自五指山北來至此特起一峰高竦而圍若覆釜
然按一名那益嶺峰

毗耶山在臨高縣西北○寰宇記儋州廢
頓而復起抵瓊山界

有毗邪山○潘確類書毗邪山一名高山縣名臨高以此○名
勝志元范德機紀略云邑西有山山頂有獸

人呼毗邪故以名山○通志山在縣西北十里
勝志山在州東三十里以形似名相傳漢時屯兵於此土人時

抽得銅鼓鉦鐺等物又地多鬼火陰晴出沒蓋古戰場也○一
統志輿地紀勝有黎郎岡在宜倫縣東三十里疑即此又沙鍋

山在州東南一百里生黎界狀如覆釜勢極高峻山上有池下

有潤泉 **黎毗山** 在儋州西北○輿地紀勝在宜倫縣北六十里

甘美 為那細嶺蓋緣下有那細村而名也又黎曉山在州西北與地

紀勝在宜倫縣西四十里又德義山在州西六十里○志州西

四十里有德義山俗呼黎曉山 **獅子山** 在儋州西北○寰宇記

頂有巨石黎人以祀黎母神 **獅子山** 儋州宜倫縣獅子石在

縣西八十里石在海中形如獅子○册說在州西北五十里海

中石峰蹲高二十丈一名神尖山有一石在海中名獅子唇舟

過有禱 **松林山** 即古藤山在儋州北○隋書地理志昌化縣有

必應之 **松林山** 藤山○名勝志松林山在州北二十里即隋志

之藤山頂圓下垂中有石岩東坡松林山詩突兀扼空虛他山

總不如○通志一名儋耳山高八丈為州之主山上有博望

臺土石皆五色又輔龍山舊為馬鞍山通志在州東北六十

九

里宋趙鼎南遷經此稱為松林之輔山因改名俗呼抱社嶺

峰山 在昌化縣東南○通志在縣東南六十里高名餘丈九峰

峻竦盤旋百餘里昔有黎婦生九子皆為峒主故俗名峨

娘九峰山又大陳山在縣西北十里狀如 **峻靈山** 在昌化縣西

華蓋其東連三板山有石船龍形甚奇險 **峻靈山** 北又名落膊

石○寰宇記洛泊石神在昌化縣西北二十里石形如人帽其

首面南土人往往祈禱○蘇軾峻靈王廟碑昌化縣西北二十

里有山秀峙海上有石纜然如巨人冠帽南向而坐者里人謂

其山日落勝偽漢之世封山神為鎮海廣德王元豐五年詔封

山神為峻靈王○通志山在縣東北十里舊名神山高百餘丈

五代末望氣者言此山有寶黎人熾舟其下鑿石求之大風碎

其舟按此亦撮東坡碑中語再考九域志昌化有昌化山地東

與廣記昌化有昌化石極為靈異祈禱多應或即峻靈山歟

山在萬州東二里○明統志山南有高石可百餘尺又有華峰

傍壁立入處僅容一人山門刻珠崖第一山外有盤石周數十

丈名補天石內有大小巫峽度仙橋諸勝按通志謂之東山嶺

赤隴山一作赤龍山在萬州東南○九域志萬州萬寧縣有赤

隴山一作赤龍山在萬州東南三十里其土色赤

獨洲山在萬州東南○與地紀勝在萬

寧縣東南五十里林木茂勝山峰插天○舊志山在海中風順

半日可到周六十里又名榜山海舟多泊於此南番諸國進貢

視此山為準的按應鷓鴣啼山在萬州西○通志在州西一百八

其下為獨洲洋應鷓鴣啼山在萬州西六十里兩

中多鷓鴣故名又雙美山在州西六十里兩

峰互峙高插雲表中有田數畝井泉清冽

六連山在萬州北

要山在州北六十里山脈接黎母山六峰突起峻拔連續起伏

三十里志以為州之主山也中多鹿麋亦名鹿市山明宏治十

七年官軍討鷓鴣啼龍吟洞諸叛黎賊多匿於潭口村六

連山麓官軍遇伏敗績按明史地理志萬州北有六連山

聲山在陵水縣東○寰宇記萬寧縣聲山常有聲如人言也○方輿

紀要山在縣東六十里山中虛谷與人聲相應因名按通志山

在縣東

靈山在陵水縣南一名多雲嶺○九域志陵水有靈山

三十里

通考同○名勝志多雲嶺在縣南十里一名靈山

廣東四

峻拔多雲騰雨多應又有加枕山方輿紀要山在縣西境明宏

治十三年黎亭洞黎陳那洋等作亂官軍討之自加枕山進至

大播山 小五指山 在陵水縣西○明史地理志陵水西有小五

賊平 五指山至此挺立數峰岐人環居其下有郎温嶺脚二峒

界自五指山至此挺立數峰岐人環居其下有郎温嶺脚二峒

外險內夷乃陵水之衝也按郎温嶺脚二洞明嘉靖二十八年

征黎嘗議分奇兵出 黎嶺山 在崖州東○元和志在吉陽縣東

此詳見前五指山 黎嶺山 在崖州東○明統志在州東五十里

中產鹹草又鹿回頭山一統志在州東一百四十里上有連珠

砦宋時臨川土賊陳明甫據此東連嬰武嘴山去州一百八十

里又石板山在州東南十 南山 在崖州西南十里○明史地理

五里旁有橫石其平如版 志崖州南有南山○方輿紀要

在縣南十里壁立枕海為州屏障石邊一穴出泉清冷名萬仞

泉明王士熙嘗更名為鰲山又澄島山在縣西南十五里寰宇

記新崖州有 釣臺山 在崖州西南二十里○輿地紀勝有石船

澄島山是也 釣臺山 在南嶺之南距海數步長丈餘旁有峻嶺

名試劍峰○明統志試劍峰在州南海濱上有巨石宋知軍毛

奎題曰小洞天其南有石梯題曰仙 息風山 在感恩縣東○方輿

題曰海山奇觀旁有石梯題曰仙 息風山 在感恩縣東○方輿

梯○舊志釣臺山在州南二十里 紀要中有巨穴深不

可測每颶風作黎人禱之即息○通志山在縣東三十五里一

名風洞高百餘丈中有巨穴最深春夏之月穴中常發南風猛

烈如颶晨起暮息發即數日禾稼多傷又黎虞山 小黎母山 在

輿地紀勝在縣東五十里黎人常虞獵於此故名 小黎母山 在

恩縣東○方輿紀要在縣東一百五十里脈接黎母山至此危
峰特起崖石崎嶇人迹罕至羣黎環居其下元時討叛黎駐軍
於此石刻猶存○一統志在縣東二百里卽峨茶嶺感勞山在
有巨石刻大元軍馬下營按通志計里與一統志同感勞山在
恩縣北○九域志感恩縣有感勞山廣記通考並同○潛確類
書山南有平坡昔大軍平黎至此秋豪無犯土人感而勞之故
名○名勝志在縣北十里感恩之水出焉○冊說在縣東北七
十里又九龍山通志在縣西北八里西枕海濱高二丈漢初
建九龍縣治虎村嶺在瓊山縣西南○一統志在縣西南五十
里此遺址猶存虎村嶺在瓊山縣西南一名雷虎山脈自西石山來又
名波秋嶺南有鴉卜洞周里餘深數十南岐嶺在瓊山縣西南
丈秋潦彌月不滿其水流爲西南湖南岐嶺○方輿紀要在
府南一百六十里頂有大石盤回十餘丈一名石鼓嶺以山巔
小石叩之其聲如鼓也○一統志石鼓嶺稍南爲盤塔嶺上有
十三峰下有溫泉又南接生黎界又瓊官荷嶺在澄邁縣南○
崖嶺在縣南十里下有古珠崖郡城址通志在縣南一
百二十里石勢危險中有石洞可容千人名大波洞明洪熙間
定安黎王官荷聚眾於此土人因以爲名又相連有南黎嶺巨
數十里皆大勝嶺在澄邁縣西十里相傳漢伏波將軍征蠻獲
黎人所居勝屯兵於此因名其東爲萬歲岡○輿地紀
勝萬歲崗在縣西十里頂有怪石高丈餘形如南閩嶺在定安
列屏號爲聖石天將兩雲霧騰塞下有清泉南閩嶺在定安
○通志在縣西南二百里一名三尖嶺高千餘丈熟黎環居其
下設有營汛又思河嶺在縣西南屬生黎地距縣三百三十里